



BOP

MÉRCORES, 11 DE FEBREIRO DE 2026

N.º 034

DEPUTACIÓN DE LUGO

boletin@deputacionlugo.org
www.deputacionlugo.gal

Dep. Legal: LU-1-1968

Administración: San Marcos, 8 - 27001 Lugo
Tel.: 982 260 124/25/26 - Fax: 982 260 205

EXCMA. DEPUTACIÓN PROVINCIAL DE LUGO SERVIZO DE RECURSOS HUMANOS E ASISTENCIA AOS CONCELLOS

Anuncio

ACORDO DA XUNTA DE GOBERNO DA DEPUTACIÓN PROVINCIAL DE LUGO DE DATA 6 DE FEBREIRO DE 2026 NO QUE SE APROBA A CONVOCATORIA E BASES ESPECÍFICAS PARA A ELABORACIÓN DUNHA LISTAXE DE EMPREGO DE ARQUEÓLOGO/A, PARA PRESTAR SERVIZOS DE CARÁCTER TEMPORAL NA DEPUTACIÓN PROVINCIAL DE LUGO.

A Xunta de Goberno da Deputación Provincial de Lugo, en sesión ordinaria celebrada en data 6 de febreiro de 2026 adoptou, entre outros, o seguinte acordo:

"Constatando que a entidade ten necesidade de contar cunha listaxe de emprego temporal de ARQUEÓLOGO/A para poder atender as necesidades da Rede Museística Provincial e xestionar axilmente a incorporación de efectivos cando sexa precisa e estea xustificada a súa incorporación conforme ás esixencias da normativa vixente, en particular ás referidas no artigo 20.Cinco da Lei 31/2022, de 23 de decembro, de Orzamentos Xerais do Estado para o ano 2023 - prorrogada para o ano 2025 de acordo co establecido no artigo 134.4 da Constitución Española.

Os criterios rexedores do funcionamento das listaxes de emprego temporal da Deputación Provincial de Lugo serán os vixentes no momento de aprobación das listaxes correspondentes, regulados mediante resolución de presidencia, previa negociación coa representación do persoal empregado público, publicados na páxina web da entidade www.deputacionlugo.gal (Temas - Recursos Humanos - Selección Temporal).

*Por todo a anterior, propónse á Xunta de Goberno para que, segundo as facultades que lle confire artigo 59.5 do Regulamento Orgánico da Deputación Provincial de Lugo de data 30.06.2020 (publicado do BOP núm. 202, do 03.09.2020), **ACORDE:***

1º Aprobar a convocatoria do procedemento selectivo para a elaboración dunha listaxe de emprego temporal de ARQUEÓLOGO/A, grupo A - subgrupo A1, para xestionar de xeito áxil as necesidades deste tipo de persoal e poder efectuar nomeamentos de persoal temporal polas causas reguladas no art. 10.1 do Real decreto lexislativo 5/2015, do 30 de outubro, polo que se aproba o texto refundido da Lei do estatuto básico do empregado público (EBEP).

2º Que a presente convocatoria se rexa polas bases xerais que establecen as normas para a elaboración de listaxes para a prestación de servizos de carácter temporal na Deputación Provincial de Lugo (cota xeral ou cota de reserva a persoas con discapacidade), aprobadas na Xunta de Goberno do 31 de outubro de 2025 e publicadas no BOP núm. 260, do 12 de novembro de 2025.

3º Aprobar as bases específicas, que complementarán ás bases xerais, que rexerán o procedemento selectivo para a elaboración da listaxe de emprego temporal da praza sinalada no apartado primeiro.

4º Convocar publicamente a quen, cumprindo os requisitos enumerados nas bases xerais e específicas, desexe participar no correspondente procedemento selectivo.

5º Ordenar a publicación da presente convocatoria no Boletín Oficial da Provincia (BOP) de Lugo e nos lugares determinados nas bases xerais.

6º Realizar cantos trámites sexan necesarios para levar a cabo o correspondente procedemento selectivo."

A Xunta de Goberno, por unanimidade dos asistentes acorda prestar aprobación a proposta presentada e anteriormente transcrita."

Contra o presente acordo, que pon fin a vía administrativa, poderase interpoñer con carácter potestativo, recurso de reposición, diante da Xunta de Goberno no prazo dun mes contado a partir do día seguinte o da publicación deste acordo no BOP ou ben recurso contencioso administrativo diante do Xulgado Contencioso - Administrativo de Lugo no prazo de dous meses contados dende o día seguinte o da citada publicación, sen prexuízo de que se interpoña calquera outro que se estime oportuno.

[Firma]
O XEFE DA UNIDADE PORTERÍA E VIXIANCIA
desde o día 11-02-2026
ata a día 11-03-2026

BASES ESPECÍFICAS PARA A ELABORACIÓN DUNHA LISTAXE DE EMPREGO DE ARQUEÓLOGO/A PARA PRESTAR SERVIZOS DE CARÁCTER TEMPORAL NA DEPUTACIÓN PROVINCIAL DE LUGO.

1. OBXECTO DAS BASES ESPECÍFICAS

O obxecto das presentes bases específicas é complementar as bases xerais polas que se establecen as normas para a elaboración de listaxes para a prestación de servizos de carácter temporal na Deputación Provincial de Lugo (cota xeral ou cota de reservas a persoas con discapacidade).

2. CARACTERÍSTICAS DA PRAZA/POSTO/EMPREGO DA LISTAXE QUE SE CONVOCA

DENOMINACIÓN	GRUPO SUBGRUPO	ADSCRICIÓN	RETRIBUCIÓN
ARQUEÓLOGO/A	A – A1	Á Rede Museística Provincial da Deputación de Lugo ou as distintas unidades administrativas que requiran das ditas funcións especializadas unha vez motivada a preceptiva necesidade urgente e inaprazable da incorporación.	As correspondentes á praza e ao posto de nivel de entrada.

3. COMETIDO FUNCIONAL

Será o sinalado na vixente Relación de Postos de Traballo (RPT) da Deputación de Lugo ou, se é o caso, disposición que a substitúa, conforme á titulación esixida, baixo a dirección e supervisión correspondente, así como outras que dentro da súa competencia poidan ser encomendadas polos órganos competentes en calquera dos servizos desta.

En ausencia dos anteriores instrumentos, as persoas ocupantes realizarán as funcións que lles sexan atribuídas por calquera outra norma ou pola persoa que exerza superioridade xerárquica, de acordo coas necesidades do centro, área ou servizo.

4. REQUISITOS QUE DEBEN CUMPRIR AS PERSOAS ASPIRANTES PARA SER ADMITIDAS AO PROCESO SELECTIVO.

Ademais do sinalado na base xeral 4, as persoas aspirantes deberán estar en posesión da seguinte titulación académica, de acordo co artigo 76 do Real Decreto Legislativo 5/2015, de 30 de outubro, polo que se aproba o Texto Refundido da Lei do Estatuto Básico do Empregado Público:

Grao en Arqueoloxía, Grao en Historia ou titulacións académicas equivalentes que habiliten para o exercicio da actividade arqueolóxica.

5. NIVEL DE GALEGO ESIXIDO: CELGA 4.

6. PROGRAMA

A) MATERIAS COMÚNS:

1. A Constitución Española de 1978, principios xerais. Os dereitos e deberes fundamentais. A Coroa. As Cortes Xerais. O Goberno e a Administración Pública. O Poder Xudicial.
2. A organización Territorial do Estado. Distribución constitucional de competencias entre o Estado e as Comunidades Autónomas. O Estatuto de Autonomía de Galicia: estrutura e contido. As competencias da comunidade autónoma de Galicia.
3. Réxime Local Español. Principios constitucionais. Regulación xurídica. O Municipio. A organización municipal. Competencias municipais. A Provincia. Organización Provincial. Competencias provinciais.
4. Dereito Administrativo. As fontes de dereito administrativo. A potestade regulamentaria na esfera local: ordenanzas, regulamentos e bandos.
5. O procedemento administrativo común. Fases do procedemento administrativo común: Iniciación, ordenación, instrución, finalización e execución. Recursos contra os actos administrativos.
6. As persoas interesadas. Dereitos da cidadanía nas súas relación coas administración públicas. O acceso electrónico da cidadanía aos servizos públicos. Rexistros, comunicación e notificacións. A xestión electrónica dos procedementos. A protección de datos de carácter persoal. Principios informadores e dereitos das persoas en materia de protección de datos.
7. Os contratos do sector público. Clases. Preparación, adxudicación e formalización. Execución e modificación. Extinción.
8. As Facendas Locais. Os tributos locais. As Ordenanzas Fiscais: procedemento de elaboración e aprobación.
9. O persoal ao servizo da administración local. Clases. Adquisición e perda da relación de servizo. Dereitos e deberes dos empregados públicos. Réxime de incompatibilidades. Réxime disciplinario.

O presente documento estará
exposto na Taboleta de
Anuncios desta Deputación
relación de 22-02-2026
relación de 22-03-2026
O XEFE DA UNIDADE
PORTERÍA E VIXIANDIA

B) MATERIAS ESPECÍFICAS:**I HISTORIA**

10. O Paleolítico en Galicia. Periodización e principais características. Industria lítica. Xacementos lucenses.
11. O Neolítico en Galicia. Economía. Industria lítica e cerámica.
12. A Idade do Bronce en Galicia.
13. Megalitismo galego. O fenómeno tumular e a ocupación do territorio. Exemplos lucenses.
14. A Idade do Ferro en Galicia. Cronoloxía e características. Cultura castrexa. Sociedade, economía e crenzas.
15. A conquista e ocupación romana. Nova administración do territorio.
16. O Reino de Galicia. Do Medievo ata a rebelión irmandiña.

II ARQUEOLOXÍA

17. Arqueoloxía: concepto e especialidades.
18. Tipos de intervencións arqueolóxicas. Tramitación de expedientes e proceso administrativo.
19. A prospección arqueolóxica: Metodoloxía e técnicas de detección.
20. Sistemas de datación arqueolóxica, do xacemento ao laboratorio.
21. A conservación e protección dos xacementos arqueolóxicos.
22. A Rede galega do patrimonio arqueolóxico.
23. Problemática da arqueoloxía urbana e dos centros históricos en Galicia.
24. Ciencias auxiliares da arqueoloxía.
25. A muralla romana de Lugo. Aproximación xeral á súa estrutura e principais intervencións arqueolóxicas.
26. Conxuntos arqueolóxicos cerámicos de Lucus Augusti. Visión xeral, influencias e comercio.
27. Sistema viario romano na provincia de Lugo. Trazado e organización en relación ao Noroeste peninsular.
28. As termas romanas de Lucus Augusti. Elementos arquitectónicos e achegas arqueolóxicas.
29. Musivaria en Galicia. Dispersión, temáticas e modelos de conservación. Exemplos da provincia de Lugo.
30. Explotacións auríferas romanas no Noroeste peninsular. Exemplos da provincia de Lugo.

III MUSEOS

31. Os museos na lexislación galega vixente: creación, cualificación, requisitos, titularidade e xestión. Normativa de Museos e centros museísticos.
32. Definición e concepto de museo. Orixe, evolución e actualidade destas institucións. O papel do museo na construción de identidades.
33. Sistemas de documentación no museo. Técnicas e procedementos documentais na xestión das coleccións.
34. A conservación de bens mobles de carácter arqueolóxico no museo. Formas de intervención. Procedementos, técnicas de manipulación e movementos de bens museísticos.
35. A Rede Museística Provincial de Lugo.
36. Museo Provincial de Lugo. Xénese, historia e organización actual.
37. As coleccións arqueolóxicas do Museo Provincial de Lugo. Organización e distribución de salas. Bens máis senlleiros da exposición estable.
38. Arqueoloxía romana no Museo Provincial de Lugo: coleccións.
39. Colección de epigrafía e numismática do MPL.
40. Colección de ourivería antiga do MPL.
41. Os depósitos de materiais arqueolóxicos no MPL. Orixe e evolución histórica museal.
42. Tipos de materiais arqueolóxicos e formas de exposición.
43. O museo como espazo de conservación, exhibición, investigación e divulgación do patrimonio cultural.
44. Os sistemas de almacenamento nos Museos. Conservación preventiva, condicións ambientais, factores de alteración. Control e acceso das zonas de reserva.

O presente documento estará exposto no Taboeiro de Anuncios desta Deputación desde o día 11-03-2026 ata a día 11-03-2026 O XEFE DA UNIDADE PORTERÍA E VIXIANDIA

45. Actividades didáctico-pedagógicas de cara á promoción da arqueoloxía. Exemplos de iniciativas implementadas no MPL.

Lugo, 9 de febreiro de 2026.- O SECRETARIO XERAL, José Antonio Mourelle Cillero.

R. 0321

O presente documento estará
exposto no Taboeiro de
Anuncios desta Deputación
desde o día 11-02-2026
ata a día 11-03-2026
O XEFE DA UNIDADE
PORTERÍA E VIXIANCIA

